



Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

Art. VII. Quas creaturas de facto beati videant in Verbo, & unde diversitas
eas videndi proveniat?

[urn:nbn:de:hbz:466:1-77232](#)

id est ab extrinseco & à posteriori colligeretur de-
structa) tamen ad illam quidditativè cognoscen-
dam, non requiritur quòd in particulari constet,
hanc vel illam creaturam esse possibilem (alio-
quin , ut suprà dicebamus , deberent cognosci
omnes creature possibles in particulari; cùm non
sit major ratio cur una potius debeat cognos-
ci ut possibilis , quam altera) sed sufficit quòd
constet totam collectionem creaturarum in com-
muni esse possibilem, & nullam ex illis reddi pos-
se impossibilem.

84. Objicies secundò : Si daretur aliqua visio bea-
ta, qua nullam creaturam in particulari videret,
talvis visio esset omnium possibilium minima, nul-
lumque haberet gradum intensionis : Sed hoc di-
ci nequit : Ergo nec illud. Sequela Majoris pró-
batur : Visio beata dicitur, major vel minor , in-
tensior aut remissior, ex hoc quod plures vel pau-
ciores creature possibles in essentia divina clarè
visa cognoscant : Ergo si sit possibilis aliqua, qua
nullam omnino in particulari attingat, erit om-
nium minima , & absque ullo gradu intensionis.

Respondeo negando sequelam Majoris, inten-
sio enim vel remissio visionis beatificæ, non at-
tenditur solum penes hoc quòd plures vel pau-
ciores creature possibles in essentia divina cog-
noscat, sed etiam penes hoc quòd magis vel mi-
nus clarè essentiam divinam, ejusque attributa
videat: unde si daretur aliqua visio, qua nullam
creaturam possibilem in particulari cognosceret,
non esset tamen omnium minima, quia possent
dari alia , qua minus clarè & perfectè divinam
essentiam, ejusque attributa cognoscerent.

85. Ad perfectam tamen nostræ assertoris intel-
ligentiam , & plurium argumentorum solu-
tionem, observandum est, quòd licet Deus ut in se
est videri possit, nullà visà creaturæ possibili in
particulari ; non potest tamen quidditativè cog-
nosci, nisi videatur ratio entis possibilis & crea-
bilis in communi : necessario enim videri debet
eius omnipotencia, scientia simplicis intelligentiæ,
& eminentialis continentia creaturarum, que
sine ratione entis creabilis & possibilis in com-
muni cognosci nequeunt. Item non potest videri
in Deo ratio ideaæ & exemplaris , nisi videatur
ideatum in communi, & ipsa divina essentia, ut
imitabilis & participabilis à creaturis.

ARTICVLVS VII.

*Quas creaturas de facto beati videant in
verbo, & unde diversitas eas videndi
proveniat?*

§. I.

Prima pars quesiti resolvitur.

Dico primum: Beati vident in verbo omnia my-
steria nostra fidei.

86. Probatur conclusio primum quia visio beatifica
est dos animæ, succedens fidei; sicut comprehen-
sio spei, & fructus charitati; unde ea omnia
qua nobis hic obsecrè revelantur per fidem, bea-
tis in patria manifestantur in verbo, juxta illud
Prophetæ Psal. 47. *Sicut audi-vimus, sic vidimus
in civitate Domini virtutum.* Cui etiam consonat
illud Augustini 20. de civitat. cap. 21. *Quid vide-
bimus nisi Deum, & omnia illa qua nunc non vi-
demus credentes?*

87. Secundò, Propositis rebus fidei, justæ & ratio-

A nabiliter quilibet fidelis desiderat illas viderè;
unde cùm beatitudo sit perfecta quies, & integra
satietas omnium iustorum desideriorum, beati
in essentia divina clarè visa, vident omnia my-
steria qua hic in via per fidem crediderunt.

Tertiò, Cùm Theologia nostra sit subalterna-
ta scientia Dei & beatorum, & scientia subalter-
nata appetat ad sui perfectionem conjungi subal-
ternanti, & in tali coniunctione habere eviden-
tiā suorum principiorum, ut exposuimus art. 2.
disputationis proemialis: oportet quòd Theolo-
gia nostra habeat in patria evidentiam mysteri-
orum fidei, qua sunt principia ex quibus (ut est in
nobis viatoribus) suas conclusiones deducit.

B Adverendum tamen est primò, quòd licet
beati videant in verbo omnia mysteria fidei,

quantum ad substantiam, non tamen est ne-
cessaria, quòd illa videant, quantum ad omnes

circumstantias temporis & loci, ut constat de re-
surrectione, & ultimo iudicio, de quo dicitur

Marci 13. *De die autem illa nemo scit, neque
Angeli Dei in celo.* Item licet Angeli à principio

sua beatitudinis cognovent in verbo mysterium

Incarnationis, quantum ad substantiam, ut docet

S. Thomas 1.p. quæst. 57. art. 5. ad 1. & 2. 2. quæst. 2.

art. 7. ad 1. non tamen secundum omnes rationes,

aut circumstantias illius, sed processu temporis de

illo fuerint edociti, non quidem intra verbum

(cùm visio intra verbum invariabilis sit, & non
crescat successu temporis, ut infra dicemus) sed

extra verbum, per speciales revelationes & illu-
strationes. Unde S. Dionysius 7. cap. cœlestis

Hierarchie inducit cœlestes mentes, quæsti-
onem facientes animæ Christi, de suscepito pro no-
bis opere, & ipsum Jesum eas docentem ac illu-
minantem.

C Advertendum est etiam, illa mysteria qua in

unico tantum individuo complentur, ut myste-
rium Incarnationis, maternitas Beate Virginis,

& similia, viso illo individuo in essentia divina
videri; illa vero qua complentur in pluribus in-
dividuali, licet videantur omnia, non tamen vi-
deantur in unoquoque individuo. Et si licet

omnes beati videant sanctissimum Eucharistie

Sacramentum, non tamen vident omnes hostias

quas quotidie consecrant sacerdotes. Et quamvis
omnes videant mysterium Resurrectionis, non

tamen videbunt omnes resurrectos, saltem omnes

damnitos: nam quantum ad beatos, rationa-
bile est ut se omnes videant, & diligant, utpote
socios, & consortes ejusdem beatitudinis.

Dico secundò, Quilibet beatus vident in essentia

divina totum universum, prout includit suas par-
tes principales, ut cœlum, & elementa, ac omni-
a genera, omnisque species rerum creaturarum,

tam spiritualium, quam corporalium, cum ipsa-

rum proprietatibus; & tandem omnia singularia,

qua per se pertinent ad ornatum & perfectionem

universi, & sunt partes principaliores illius. Ita

docet D. Thomas h[ab]it. art. 8. ad 4. his verbis: *Na-
turale desiderium rationalis creatura est ad sci-
endum omnia illa que pertinent ad perfectionem in-
tellectus.* Et h[ab]et sunt species & genera rerum,

& rationes carum, qua in Deo quilibet videbit

videns essentiam divinam.

Luculentius eandem veritatem declarat 3. contra

Gentes cap. 59. ratione 1. his verbis. *Quia vi-
sio divine substantiae est ultimus finis cuiuslibet*

*intellectualis substantiae; omnis autem res cum
pervenerit ad ultimum finem, quiescit appetitus*

eius naturalis, oportet quod appetitus naturalis

Substantia intellectus divinam substantiam vi- A
dentity omnino quiescat. Est autem appetitus natu-
ralis intellectus, ut cognoscat omnium rerum genera,
species, & virtutes, & totum universi ordi-
nem; quod demonstrat humanum studium erga
singula preditorum: Quilibet igitur divinam
substantiam videntium cognoscit omnia supra di-
cta. Quibus verbis, & docuit, & probavit nostram
conclusionem, quam ibidem ratione tertia con-
firmat, ex eo quod Dominus Moysi pertineti
divinae substantiae visionem, respondit, *Ego offer-
dam tibi omne bonum.* Et ex illo magni Gregorij
4. dialogorum cap. 8. *Quid est quod ne sciant qui
scientem omnia sciant,* quod saltem intelligi de-
bet de omnibus quae pertinent ad hoc universum.

92. Ex quibus colliges primo, quod cum ex D.
Thoma omnes Angeli distinguantur specie ab in-
vicem, quilibet beatus video omnes & singulos
Angelos, non solum bonos, quos videt etiam
titulus societatis beatæ, sed etiam malos & dam-
natos. Videbit etiam quilibet beatus in celis
omnia fidea, stellas, omniumque corporum
celestium constitutiones & motus: five distin-
guantur specie (quod probabilius est) five solum
distinguuntur numero, ut aliqui volunt, quia
haec pertinent ad ornatum & integratem uni-
versi, & sunt partes principaliores illius.

93. Colliges secundò, quod quia singularia mate-
rialia & corruptibilia, non pertinent simpliciter
ad perfectionem universi, nec intenduntur per
se primo, sed tantum secundario, & propter con-
servationem speciei quae in uno individuo corru-
pibili conservari non potest, illa omnia non cog-
noscentur à beatis in verbo, nisi forte spectent
ad eorum statum. Unde S. Thomas hic art. 8. ad
4. *Cognoscere singularia non est de perfectione in-
tellectus creatus, nec ad hoc ejus naturale desider-
rium tendit.*

Dico tertio: Beati vident in verbo ea quae per-
tinent ad proprium statum: non tamen omnia,
sed aliqua cognoscunt extra verbum, per re-
velationem & illuminationem.

94. Prima pars probatur: Ut enim supra diximus,
beatitudo perfectè satiare debet omnem appeti-
tum iustum creature rationalis, unde cum beati
habeant inclinationem & appetitum ad cognos-
cenda ea quae pertinent ad proprium statum, ea
debet in verbo cognoscere.

Confirmatur & magis illustratur haec ratio.
Beatus tripliciter potest considerari: primo ut est
elevatus ad ordinem gratiae, secundo ut est pars
universi, tertio quatenus est talis persona particu-
laris, & quatenus est vel fuit in tali dignitate
constitutus; putatio Rex, Summus Pontifex, Patriar-
cha Religionis, paterfamilias &c. Et secundum
hanc triplicem considerationem, diversa appetit
cognoscere objecta. Primo enim modo petit cog-
noscerre mysteria fidei; ut gratia, lumine gloria, sūa
prædestinationem, mysterium Incarnationis, Eu-
charistiae, &c. Secundo modo petit cognoscere
species & naturas, ac partes principaliores hujus
universi, ut Angelos, celos, elementa &c. Terti-
o modo petit cognoscere ea quae pertinent ad
suum statum: v. g. D. Gregorius, quia fuit Sum-
mus Pontifex, appetit cognoscere ea quae per-
tinent ad statum præsentem vel futurum Ecclesiæ,
S. Dominicus ea quae pertinent ad statum sui Or-
dinis, S. Ludovicus ea quae pertinent ad statum
Regni Francie: unde cum in beatitudine sit per-
fecta quiete, & integra satietas omnium justorum
desideriorum, dicendum est beatos cognoscere

Tom. I.

in verbo, non solum mysteria fidei, & partes
principaliores hujus universi, sed etiam ea quae
pertinent ad proprium ipsum statum.

Ex quo inferes, quod Beatissima Virgo multo
plura videt in verbo, quam alij sancti, quantum
ad preces & cogitationes hominum: cum enim
sit Advocata fidelium, & Mater misericordia, debet ut in pluribus videre statum fidelium, ut
eis prodeste possit. Videre autem omnia futura
contingentia, & omnes actus liberos, & cogita-
tiones cordis, pertinent ad solum Christum, qui
cum sit constitutus a Deo judex omnium homi-
num, quia filius hominis est, ut dicitur Joan. 5. debet cognoscere omnes homines judicandos, &
singulos eorum actus, cum omnibus circumstan-
tiis, ut possit de illis rectum proferre judicium.
Ut docet S. Thomas 3. parte quaest. 10. art. 2. ubi
sic discurrevit: *Vnuquisque intellectus creatus in
verbo cognoscit, non quidem omnia simpliciter, sed
tanto plura, quanto perfectius videt verbum. Nulli
tamen intellectui beato deest, quoniam cognoscit in
verbo omnia que ad ipsum spectant. Ad Christum
autem & ad ejus dignitatem spectant quodammodo
omnia, inquantum ei subiecta sunt omnia. Ipse
etiam est omnium judex constitutus a Deo, quia
filius hominis est, ut dicitur Joan. 5. Et ideo ani-
ma Christi in verbo cognoscit omnia existentia se-
cundum quodcumque tempus, & etiam hominum
cogitatus, quorum est judex: ita ut quod de co-
dicitur Joan. 2. Ipse scribat quid esset in homine,
potest intelligi non solum quantum ad scientiam
divinam, sed etiam quantum ad scientiam animæ
ejus quam habet in verbo.*

Dices. Si quilibet beatus in verbo cognoscere
ea quae pertinent ad proprium statum, sequere-
tur minus beatum, interdum in verbo plura cog-
noscere, quam magis beatum; quia potest contin-
gere quod plures creature ad eum statum perti-
neant, v. g. si fundator alicuius Religionis. Sed
hoc videretur absurdum, cum enim quod plures
creature in verbo videntur, eorum visio beatifica sit
perfectior, repugnat quod minus beatus plures
creature in verbo cognoscere, quam magis
beatus.

Respondeo secundò, concessa Majori, negan-
do Minorem, ad cuius probationem, dicendum
est, dupliciter creature posse cognosci in verbo:
primo ex vi luminis gloriae, ut penetrantis divi-
nam essentiam & omnipotentiam, quo pacto
cognoscuntur in verbo creaturae possibles, ut su-
pra ostendimus: secundò ex vi luminis gloriae, ut
eminenter quodammodo continet lumen prophe-
ticum, & habet vim manifestandi per modum
revelationis, ea quae Deus liberè vult manifesta-
re, ut exposuimus art. 3. Cognoscere ergo plures
creature in verbo primò modò, arguit excessum
in beatitudine essentiali, & in clara Dei visione;
secundum autem cognitione creaturarum in verbo, se-
cundò modò, & ex vi revelationis, quo pacto
cognoscuntur à quolibet beato ea quae per-
tinent ad proprium statum; imo, ut statim dicemus,
probabile est beatos plura ad proprium
statum pertinientia, per revelationem extra ver-
bum cognoscere.

Probatur ergo secunda pars, contra aliquos qui

Z ij

99.

UNIVERSITÄTS-
BIBLIOTHEK
PADERBORN

docent beatos omnia quae ad eorum statum pertinent in verbo cognoscere. Si beati in verbo videant omnia quae pertinent ad eorum statum, ea scirent ab initio beatitudinis, & non per successionem temporum, cum visio beata sit immutabilis, & tota simul, & non crescat per successiōnem, ut sequenti disputatione dicemus: At constat Angelos, circa ea quae accidunt regnis, vel provinciis, vel hominibus sita curae commissis (quae utique ad proprium illorum statum pertinent) non semper omnia scire a principio beatitudinis, sed dari locutionem, & illuminationem inter ipsos Angelos, ut docetur in Tractatu de Angelis, & constat ex Danielis 10. ubi Angelus Periarum, & Angelus Iudaorum, dicuntur inter se altercari, pugnare, & litigare (contrarietatem, non voluntatum, ut explicat S. Thomas infra quæst. 113, art. 8.) quia scilicet adhuc illis ignota erat voluntas divina circa liberationem Iudaorum. Ergo beati non vident in verbo omnia quae pertinent ad illorum statum, sed aliqua extra verbum per revelationem cognoscunt.

100.

Confirmatur, & magis illustratur hæc veritas, egregiò D. Thomæ testimoniò, desumptò ex 4. sent. dist. 49. quæst. 2. art. 5. ad 12. ubi sic habet: *Nihil probibet dicere quod post diem iudicij, quando gloria hominum & Angelorum erit penitus consummata, omnes beati scient omnia quae Deus scientia visionis novit; ita tamen quod non omnes omnia videant in essentia divina, sed anima Christi ibi plenè videbit omnia, sicut & nunc videt: alij autem videbunt ibi plura vel pauciora, secundum gradum quod Deum cognoscunt;* & sic anima Christi, de his quae pre aliis vident in verbo, omnes alias illuminabit. Unde dicitur Apocalypsis 11. quod claritas Dei illuminat civitatem beatorum, & lucerna eius est agnus. Et similiter Angeli superiores illuminabunt inferiores, non quidem novâ illuminatione, ut scientia inferiorum angeatur per hoc, sed quadam continuatione illuminationis, sicut si intelligatur quod sol quiescens illuminat aërem. Quibus verbis clarissimè docet, quod beati post diem iudicij, multa quae pertinent ad abundantiorum gloriam, videbunt formaliter in verbo; quadam vero extra verbum, ut pertinenter ad gloriam accidentalem, per illuminationes que sunt a superioribus, praesertim ab anima Christi, vidente in verbo omnia quae Deus cognoscit in seipso per scientiam visionis. Unde Caietanus 2. 2. quæst. 83. art. 4. dicit aliquid posse cognosci per visionem beatam dupliciter. Primo formaliter, & hoc modo cognoscitur a beatis quidquid vident initio sua beatitudinis. Secundo causaliter, quatenus ex scientia beata, tanquam proprietas resultat scientia inferior, que infusa dicitur, per quam cognoscunt successivè quidquid per illuminationē excipiunt. Altero ergo ex his duobus modis cognoscunt beati in patria quae pertinent ad proprium statum, ac proinde omnes preces ac orationes ad ipsos fusas, vel fundendas. Unde quando D. Thomas dicit 3. p. quæst. 10. art. 2. quod nulli beato deest, quin cognoscat in verbo omnia quae ad ipsum spectant, intelligi debet, beatum eam in verbo cognoscere, vel formaliter, vel causaliter. Vel etiam dici potest, illum loqui de his que spectant ad statum beati directè & per se, qualia sunt ea quae in ipso beatitudinis statu ipse agere debet (hæc enim probabile est, beatos in verbo videre) non autem de his quae per accidens tantum & indirectè ad ejus statum pertinent, qualia sunt ea

A quæ apud nos aguntur, & orationes quæ ad eos fiunt, aut persona quæ illorum patrocinio & custodia committuntur; nam illa omnia non vide ri a beatis in verbo, sed extra verbum, per speciales revelationes, multò probabilius est; ut sic detur locus in multis consultationi divinæ sapientiae, & illuminationi superiorum Angelorum ad inferiores.

§. II.

Altera difficultas resolvitur, & declaratur, quænam sunt causæ, à quibus provenit diversitas videndi creaturas in verbo.

Dico quartò: Causa cur plures vel pauciores creaturæ possibilis, a beatis in verbo videantur, sumitur ex majori vel minori intensiōne luminis gloriae: ratio vero cur haec creatura possibilis in particulari potius quam alia cognoscantur, petitur ex ipsa natura creaturarum; quia quedam sunt de se latentes, quedam manifestiores, & ita quedam majori lumini proportionatae sunt, quedam minori.

Prima pars conclusionis sequitur ex principijs supra statutis: Cum enim creaturæ possibilis, in essentia divina tanquam in causa, & medio prius cognito videantur; ratio vident plures vel pauciores creaturæ possibilis, est major vel minor penetratio divinæ essentiae primarij cognitæ: Sed major vel minor divinæ essentiae penetratio, oriatur ex majori vel minori intensiōne luminis gloriae: Ergo causa cur plures vel pauciores creaturæ possibilis, sumitur ex majori vel minori intensiōne luminis gloriae.

Secunda pars docetur à D. Thoma quæst. 8. de verit. art. 4. ad 12. ubi loquens de cognitione creaturarum possibilium in verbo, dicit: *Quædam sunt latentes, quedam manifestiores; & ideo ex visione divinæ essentiae quedam cognoscuntur, quedam non.* Ratio etiam id suadet. Ita enim se habet causa ad manifestandos effectus, sicut principium ad inferendas conclusiones; unde sicut ex principijs demonstrationis, statim aliquæ conclusiones elicuntur; quedam vero non nisi per multa media, quia sunt ab illis magis remote: ita etiam quidam sunt effectus in divina essentia manifestiores, qui eis visu, statim cognoscuntur a lumine gloriae, quamvis remisso; alij vero latentes, qui ut videantur indigent lumine gloriae magis intenso, & divinam natum intimius penetrante.

Qui vero effectus manifestiores, & qui latentes sunt, varie ab Authoribus explicatur. Aliqui existimant creaturas esse latentes, vel manifestiores, ob majorem vel minorem perfectionem & entitatem. Alij, ob majorem vel minorem convenientiam & similitudinem cum Deo. Alij sentiunt, illos esse effectus manifestiores, qui majorem habent proportionem cum intellectu, & modo intelligendi beatorum; latentes autem, qui magis ab hac proportione recedunt. Alij denique dicunt, illam creaturam debere diti latentem in Deo, & requiri perfectius lumen ut videatur, que cognoscitur non solum quoad an est, & quasi superficialiter, sed etiam quoad quid est, & penetrando omnes rationes intelligibiles, secundum quas subest divinæ prævidentiae.

Dico quintò: Causæ proximæ, & intrinsecæ, à quibus provenit diversitas videndi has creaturas existentes vel futuras in verbo, potius quam alias, sunt lumen gloriae, & divina essentia, in

DE MENSURA VISIONIS BEATIFICAÆ. 181

A ratio speciei intelligibilis, intellectui beatorum diversimodè applicata ac determinata, juxta exigentiam luminis, ad repræsentandas has potius creaturas quam alias.

Colligitur ex D. Thoma variis in locis: nam hic art. 6. & 7. & 3. contra Gentes cap. 57. reducit diversitatem visionis beatæ ad diversitatem luminis gloriae. Et quæst. 8. de verit. art. 4. ad 2. recurrit ad diversam applicationem divinae essentiæ, in ratione speciei, quæ semper comitatur proportionem luminis gloriae.

B Probatur etiam conclusio ratione. Principia intrinseca visionis beatæ (id est intra intellectum existentia) sunt lumen gloriae, & essentia divina per modū speciei intelligibilis, intellectui beatorum unita, ut suprā declaratum est: Unde cùm diversitas cognitionis peti debet ex principiis intrinsecis ad illam concurrentibus, etiam diversitas videndi has creaturas potius quam alias, sumi debet ex differentia individuali luminis gloriae, & ex unione essentiæ divinae, ut speciei intelligibilis, quæ juxta proportionem luminis, plus vel minus se manifestat beatis, & est ratio videndi plures vel pauciores creaturas.

Dico ultimò: Causa extrinseca & remota, cur aliquæ creature existentes vel futurae videantur à beatis, potius quam alias, sunt status cuiuslibet beati, & voluntas Dei applicans & determinans essentiam divinam in ratione speciei, ad repræsentandum has creaturas potius quam alias.

C Prima pars conclusionis evidens est: ut enim ostendimus §. præcedenti, visio beatæ, cùm sit perfectè satiatio omnis justi desiderij, manifestat beatis omnia quæ pertinent ad proprium illorum statum: Unde cùm ad statum cuiuscumque beati, aliquæ creature in particulari pertineant, ut antea declaravimus, status cuiuslibet beati est causa extrinseca, & remota, cur hæ potius quam alia creature in verbo cognoscantur.

Ado quid, sicut charitas recepta in Petro, magis ipsum inclinat ad seipsum amandum, quam alium; & sicut virus fortitudinis, licet sit ejusdem speciei in viro, & in muliere; inclinat tamen viram ad aggredendum hostes, non feminam, quia hoc non decet statum ipsius. Ita etiam lumen gloriae perficit, & inclinat subjectum in quo recipitur, secundum modum, & capacitem ipsius; & determinat intellectum beati, ad videndum has creaturas potius quam alias, secundum quod postular propius cuiuscumque status: Ergo status cuiuslibet beati, est causa veluti extrinseca, à qua oritur diversitas videndi in verbo has creaturas potius quam alias.

E Secunda vero pars, qua assertit talen diversitatem peti etiam ex libero decreto divinae voluntatis, divinam essentiam in ratione speciei intelligibilis, intellectui beatorum diversimodè applicantis, evidens est. Cùm enim essentia divina, ut gerens vices speciei, non sit ex se determinata, sed indifferens ad repræsentandum has potius quam illas creaturas, debet extrinsecè determinari, & applicari per decretum divinae voluntatis, ad repræsentandas tales creaturas potius quam alias, iuxta exigentiam luminis gloriae, & meritum ac statum cuiuslibet beati. Et ideo essentia divina vocari solet speculum voluntarium, quia non repræsentat nisi ea quæ Deus vult & ordinat; & nisi ut applicata, & determinata, per liberum decretum voluntatis divinæ: sicut divina omnipotencia non determinatur ad hæc pos-

A titus quam illa producenda, nisi ratione ejusdem decreti.

DISPUTATIO VI.

De mensura visionis Beatifice.

A D complementum hujus Tractatus, suæ pereft ut de mensura visionis beatifica differamus, & durationem per quam illa mensuratur, breviter explicemus. Unde sit

ARTICVLVS UNICVS.

Quænam sit mensura visionis beatifica?

§. I.

Premittenda ad resolutionem questionis.

Suppono primò, visionem beatificam esse omnino invariabilem, & quæcumque videntur à beatis in verbo, non successivè sed simul videntur.

Ita docet D. Thomas hic art. 10. & 3. contra Gentes cap. 60. & colligitur ex SS. Patribus: Augustinus enim 15. de Trinit. cap. 16. loquens de visione beatæ: *Non erunt, inquit, volubiles nostræ cogitationes, ab aliis in alia cunctes atque redentes; sed omnem scientiam nostram simul uno conceptu videbimus.* Idem docet D. Bernardus §. de confid. cap. 13. ubi sic habet: *Non enim tunc fragilis acies mentis nostræ, quantumcumque reverenter intendens, aliquatenus diffiliat, resisteret in suam pluralitatem; colliget se magis, adunabit, conformabitque unitati illius, vel potius unitati illi.*

Eadem veritas significari videntur Isaiae 6, cùm enim dixisset Propheta, quod seraphim flabant (scilicet ante thronum Dei) statim subiungit, sex alæ erant uni, & sex alæ alteri, & duabus volabant: quæ verba expendens idem Bernardus ferm. 4. de verbis Isaiae: *Ad quid (inquit) tunc alæ, si flant? Cui interrogationi sic responderet: Credo autem, sicut in volatu alacritatem, sic & in statione immobilitatem promitti.*

Probatur etiam eadem suppositio triplici ratione quam habet D. Thomas locis citatis. Prima est, quia beatæ omnia quæ videntur in verbo, videntur in unica specie divinae essentiæ: ea autem quæ videntur in unica specie, videntur simul, & non successivè. Quam rationem etiam tangit D. Bernardus ferm. 31. in Cant. ubi loquens de excellentia divinae visionis, sic ait: *Illa visio stat, quia forma stat quæ tunc videtur: est enim, nec ullam capit ex eo quod est, fuit, vel erit, mutationem.*

Secunda ratio est. Felicitas perfecta (qualem habent beatæ in visione Dei) non est secundum habitum, sed secundum actum, ut dicit Aristoteles 10. Ethic. Ergo non unum prius, & aliud posterius, sed omnia simul & semper, secundum actum, & in uno actu videntur à beatis.

Tertia ratio quam etiam adducit S. Thomas locis citatis, sic potest proponi. Unaquæque res, cùm venerit ad suum ultimum finem, quiescit, cùm omnis motus sit ad acquirendum finem: Sed ultimus finis intellectus, est visio divinae essentiæ: Ergo intellectus divinam essentiam videns, non movetur ab uno intelligibili in aliud, sed om-